

詩



90734

蜀遊詩

陸
遜
山
集

汀州伊念

省題



序

入蜀詩可不作作可不存唐有李杜宋有蘇陸追蹤未能
詎易犯其壘而拔其幟余蜀遊之作本欲焚棄雖鞭絲帆
影狀景摹神而才力之足以敵古人及詩之一無遺憾要
未敢自信特三年羈旅挾其少年意氣出沒江濤雲棧間
亦自可壯聊剛定初橐以俟知詩者能攻吾謬當長跪謝
之道光十四年歲次甲午秋七月次山自題於西湖第一
樓

陸次山集

序

一

陸次山集

浙東 陸璣

著

蜀遊詩

己丑八月至辛卯五月

省祖入蜀紀詩四首

正是江山助我時好聽祖訓走天涯敢拋骨月輕遊遠卻

笑煙雲欲化詩蠶市古連秦棧陡雁聲秋渡楚湘遲

杏坡兄同

行 征途預計含飴樂遙對三巴祝酒卮

時大父任巴州刺史

風重征帆載別愁一天雲影澹新秋傾白釀瓶中響臥

看青山畫裏遊聊溯舊詩評蜀道

陸暢作蜀道易反青蓮之說

好傳清

政判夔州

放翁會判夔州

懷忠人去吾安仰積翠屏高獨倚樓

宜公

陸次山集



一

謫忠州建懷忠樓於署北今墓在翠屏山

已非王子浴濱年書畫隨身歷一船猿嘯亂飛巫峽雨權

歌齊破大江煙野逢驛市停橈訪渡乞漁燈照榻眠翦燭

巴山知歲暮紅梅消息到窗前

非為浮名走軟塵豪游天假不羈身囊擔碎句奴誇錦篋

檢完書我諱貧棧閣白雲勞旅夢秋江紅樹送征人明年

料得還鄉樂雪化峩岷水盡春

離筵詩

行行走遠道戚戚辭故里三復游子吟攀衣行又止八月

楊柳疎日薄西風起行子戀庭幃心墮白雲裏勉弟勤晨

昏拜親疎菽水欲窮天外山萬里一鞭始醉眼望青天已
化一張紙

少陵入秦州詩筆隨年老東坡返僮耳詩才挾海倒風雲
助壯氣千秋印孤抱長歌懷古人立名正須早敢信詩窮
人不肯作詩少年趁豪游雲山境獨造冷笑向子平婚
嫁累幽討

西蜀山水奇右軍慕已久能詩例入蜀才名映先後氣眞
筆自豪語重律能守默誦古人句獨立已難偶聊歌離難
詩舟行屢回首秋氣激清吟澆以百斛酒吹裂鐵簫聲黑
夜怒龍吼

陸次山集

詩

二

八月二十二日發漁浦

放棹自茲去江湖縱浪游山光銜雨活帆影枕波流樹變
空中色雲生望裏愁計程方萬里立腳一孤舟

富春舟中

臥看秋山放酒船富春江接浙西天波心細數峰巒影書
滿篷窗當枕眠

雲隨流水細生波秋思都從別後多風劃平林煙一抹夕
陽紅處起漁歌

船唇賭酒拜雙鬟畫扇才名滿世間一幅倪迂平遠派低
簷澹掃富春山

打篷秋雨濕難開
夜半燈青草欲灰
船婦故添游子夢
隔牀吹過笛聲來

露根老樹枕河低
近水人家一帶齊
捲起壓簾香霧重
青山不斷畫眉啼

桐江

好山當面片帆分
香裊篷窗手自焚
一塔出林邨有縣
千峰渡水野無雲
詩情偶向空中領
秋氣先從枕上聞
我欲盟心何處是
晴江鷗鷺遠成羣

桐君廟下作

入山鍊五石採藥雲
深處空林古廟寒
隱士杳然去逃名

陸次山集

詩

三

託神仙達人妙能悟
佩劍駕蒼精降謫亦多
故形穢非仙才劉徹枉
相慕鐵鎖安可攀玉顏
豈久駐平地求飛昇不
獨藥能誤金丹具吾心
煉之尚沈痼嵇康養生
者幽憤哉其素守愚樂
天懷榮名寶真趣志士
自千秋何用黃金鑄

七里瀨

瀧水逆吞舟舟人爭
上游千峰環對面夾浪
走中流雲氣山時濕江
聲樹作秋夜聽漁父飲
望月坐船頭

子陵釣臺

竟全高隱傲公卿
纔識貧交氣骨清
名節直懸東漢祚
一竿誰說釣絲輕

高臺千古峙江流山吼松聲萬壑秋節似牛牢名特著滿

身風雨擁羊裘牛牢亦光武故人屢徵不任者

畫簷聲冷夢如煙佳偶修成幾百年香滿梅花春社古最

難眷屬亦神仙嚴子陵娶梅子真季女今東關市側有梅姑祠祀為土神

靈祠配食亦千秋祠以方雄飛謝臯羽配祀一樣清風瀨水流嘆息中

與諸將相功高願不過封侯

西臺懷古

揮手彈素琴松風夜雨思君心文信國遺槩詩云松風一榻雨瀟瀟萬里封疆不寂

寥獨坐瑤琴遺世慮君恩猶恐壯懷消正色拂如意銀文鐵幹凌霄氣信國鐵如

意柄嵌銀絲聖瑞匡山忽裂大海傾長歌激烈波濤驚可

陸次山集詩四

惜趙氏一塊肉颶風打船流哭聲五坡嶺畔猶奔走國有

遺裔家有母黃冠一死寸心安西臺哭向柴市後環嬌柳

弱窮無依環娘柳娘信國二女名鄧甫中炎文史空歔歔陰風夜吼

黑龍怒忠魂晝化朱鳥飛魂兮歸來江雲沒天寒幕府狂

披髮冬青花慘六陵秋竹聲擊碎高臺月

渡烏石灘

瀧口忽已過灘聲張一軍江枯沙石出帆重峽流分旣雨

添秋意隨山接水雲篷窗無俗韻樽酒自論文

烏啼曲蘭溪舟中作

寒烏月夜啼啼上最高枝一聲聲叫妾心碎畱郎不住長

相思長相思萬縷情懷網結絲郎欲去去莫遲被裏餘溫
秋雲癡反恨啼鳥不苦啼啼斷柔情夢不知昨夜聽烏啼
繡衾同夢聯新詩今夜聽烏啼秋江道遠愁別離別雖久
莫相疑願化啼鳥到處隨啼斷紅燈欲死時可憐宵將曙
天銀甲彈折鴟雞絃鬢雲墮綠斜壓肩弄花人未睡障扇
月自圓隔紗軟語紅窗煙問郎記否妾門前夜半烏啼一
枕眠

泊衢州

日矧帆影落氣爽暮晴天秋雨垂籬橋江城接酒船市燈
遙出水舟婦夜開筵短笛一聲起當頭皓月圓

陸次山集

詩

五

過玉山

漸覺離家遠鄉音耳少聞喜無關索稅惟見擔蒸雲沙動
亂人影林長斜夕曛水搖空有癖滿面已塵氛

秋草篇

覓春歸路不知處黃蝶側翅掠花去一色青青兩地愁尋
春直到秋盡頭秋雲綠捲珠簾曉回首紅閨淒未了河邊
客况太蒼涼離鄉便想還鄉好佳人拾翠憶花朝鞵尖寸
印金步搖千年斷鏃埋荒土一片春暉隔暮潮撲衫斗覺
霜花猛淚珠偷滴落紅冷秋雨鶻啼太有情秋風馬去空
搖影明歲春歸天一涯花香陌上早還家東皇惜我多情

甚翦出裙腰萬幅斜

寫家書

枕醒殘酒夢痕虛一紙鄉心託鯉魚問道雙親穩眠食寄
懷諸弟理詩書秋風萍跡三更後春水蕤羹二月初料得
金釵燈下卜紅牋遞到憫離居

南昌雜詠

臨江高閣倚斜陽孤鶩遙飛秋水長學士將軍齊抹倒要
輪末座著文章
平遠山多水勢洄峰頭雨過濕雲開婁妃墓下苔花滑知
有樵夫歇擔來

陸次山集

詩

六

滕王閣

片帆浪破萬重開獨到滕王傑閣來人物百年還氣數湖
山千古拱樓臺空憐帝子宮中樂誰倒王郎座上才醉後
化身無著處夢騎蛺蝶入天台

欲渡長沙弔賈太守不果

此身不爲鬼神來復召長沙志亦灰那說漢文能得士古
今幾見賈生才

西京文物豔當時紙上空談了不奇獻策無功偏作賦卽
論詞藻已吾師

絳灌勳名妙絕倫可憐俗吏是功臣轉移朝局如論賞西

漢廷中只此人

未成痛哭且銜杯
湘水東流去不回
寄語九京勤護惜
世間王佐總須才

彭澤懷陶淵明

高人無俗韻
飲酒便詠詩
詩酒偶然寄
真趣誰復知
婉詞謝折腰
性剛才實奇
自料物多忤
脫駕與世辭
懷古類託諷
言情別有思
宅心絢爛極
炯然歸無爲
逸性契松菊
清氣超希夷
養貞葆其素
悟道心恐遲
終身全晉人
高義追軒羲

九月十八夜舟行鄱陽湖遇風浪

陸次山集

詩

七

扁舟夜渡鄱陽湖
月色慘淡天模糊
長風送我大江去
舟子歡飲爭嘯呼
疾風驟起連天埽
天吳駭把狂瀾倒
片帆直裂挾水飛
一船驚起互相抱
抱刀勁與異物鬪
大醒空腸三日酒
欲擒百怪難措手
放聲怒作蛟龍吼
蛟龍一吼萬籟鳴
風水激盪天爲平
開襟大笑羽化去
竟憑雲氣空中行
那知風波多機變
或騰或躍時隱現
陡然孽落前山邊
干戈一齊罷
水戰水戰已罷餘
波雄金鼓遙震天
淵空曹衣出水滿
身冷懸燈顛倒光
濛濛篷窗飄泊檣
櫓折黑風忽把殘燈滅
暫泊蘆花莫怨嗟
壯遊如此真特絕

停杯看秋色空闊碧無邊日淡平搖水山低遠接天江聲
來地底帆影引船先彭澤懷賢令臨風感昔賢

泊石鐘山

屬湖口縣

石鐘山奇橫臥川山脚嵌空水下咽彭蠡南來洄渦旋天
籟鼓盪聲泠然我來適際三秋天水落石出波無煙微風
送我夜泊船舉頭望見明月圓心領妙趣難口宣鶻落石
厓老樹眠鶴啼江露長松拳噲咤鏗鞳起山前地樂忽奏
驚華筵乍如海島會衆仙環珮玎璫試玉鞭若吞若吐響
畢連歛如老軍奔幽燕銅鈺發越鼙鼓鬢風雲壯氣空騰
騫餘韻飛繞青巒巔疑是鐘聲流于闐勁氣貫石山欲穿

陸次山集

詩

八

妙境偏在缺處傳紀詩聊結翰墨緣夜深清夢洗煩煎石
洞香漪噴龍涎阿修天女雄且妍虛步仙風來翩翩碧鸞
飛過羣峰先我未學道尙少年苦懷多情心自憐得閒且
抱孤雲便洗滌憂患天無權晨鐘忽起秋江邊憑空打破
空中禪

潯陽

晚泊潯陽渡詩情落暮煙江帆斜逐日秋水澹沈天酒醒
風生腋篷開月滿船箏琶聲亂作誰爲滌繁絃

琵琶亭題壁

紅顏何事老江湖月冷秋宵短艇孤絕好琵琶畱客聽商

人稱作賣茶夫

遷官白傅太風華夜半秋聲亂荻花自古詩人多迂俗平
心畢竟罪王涯

誰將老妓錦纏頭俗殺秋娘不解愁已悟抽身歸洛社一
官隨意謫江州

忠諤登朝世惘然畱名還信是詩篇青衫幾點窮途淚翻
作潯陽豔事傳

亦是天涯淪落人故衫披曳醉吟身
亭中供白
傅小像 題詩也有
長裘想紅袖他年好拂塵

舟次西塞山下

陸次山集

詩

九

雲際宿危檣天空望雁行風帆千里浪漁火一篷霜月印
乾坤白沙翻星斗黃長江秋滿眼夜氣逼衫涼

紀夢

碧城貯仙子御風來江湖湖飄蓬梗波濤險何如瞥見
一驚喜談笑何歡娛裳下解環珮貽我鐵珊瑚堅硬表妾
心願結君之裾執手一嗚咽交勉禮爲隅談心俱未罄俄
驚漁舟呼推篷望明月悄然人跡無殘夢墮空江江風響

秋蘆

西風桐葉落蒼苔行跡稀幽人捲簾坐心逐秋花飛憶自
話別時贈我懷中詩重將玉貌看恍惚記我懷對面非不

識別後恐疑猜秋江芙蓉冷顏色重自摧玉釵墜半股雜
佩遺瓊瑰寄語太淒楚來生同塵灰相勸莫霑襟互拭紅
淚滋尋得夢中路時時會有期

武昌晚渡

雁聲飛過雨來時水冷船頭木葉知秋野邨荒開市少平
江風穩落帆遲瓶沽白酒思逢驛囊守青錢待補詩手拓
篷窗堪入畫遠山低抹一痕眉

黃岡暮晴

山暝雨痕晞江空散落暉水銜斜照入風捲亂雲飛漁唱
天邊荅秋聲木末歸人家紅樹下知否寄寒衣

陸次山集

詩

十

黃州江心夜半無月作

水光拍天天無雲風送櫓聲月下聞楚江秋盡木葉脫南
望衡陽迴雁羣一杯兩杯酒始醺好懷欲贈無美人快風
燒賊壁盡赤恨我不見周將軍不如飲酒對明月笑弄短
簫散華髮夜半狂風忽掃天一江黑浪盪空夕此時月魄
慘無色開襟酒香尙未歇拔劍欲斬怒蛟飛一舸煙雲自
出沒

赤壁懷東坡先生

黃州一謫有餘哀怡顯周郎快戰才直使賦心誇赤壁故
教詩獄勘烏臺文章生氣誰堪替風月豪襟我亦開夜半

洞簫聲欲咽橫江何處鶴飛來

寄子濤弟

我自離家來風雲縱奔馳目極數千里煙水窮幽姿舟行
自有樂忘懷道路遲江山澹吾慮江水洗我脾澄心會衆
物採摘乾坤奇收入有聲畫譜入無聲詩見月望征雁加
餐惻遠離芙蓉隔秋水烹鯉長江滑膝前羨騰笑定省無
愆期聯牀感舊雨細書同氣詞豪素不盡託珍重無玩時
春暉寸草心各望天一涯

題團扇

素紉製團扇體潔伴我身春風送春去握手時相親物好

陸次山集

詩

七

亦自愛供作牀頭珍寵以綵筆詩裏以紅羅巾團圓似明
月對面長懷人懷人減圍帶清風搖爽籟秋涼忽已厲寒
飈隔簾大恩斷忍相棄念舊勸毋害風情暫與離明年復
相會

江上觀月

雲漏疎星吐風微細浪平卽看今夜月猶是故鄉明江淨
煙齊埽天空水自清角聲何處起漁火兩三生

遣興

昨夜燈花分外紅家書屈指到家中江豚勢猛天翻浪山
鵝聲高野有風夢裏不知鄉路遠牀頭莫放酒杯空明朝

又換題詩處秋水平沙看戲鴻

漢口

漢水走江東江聲逼太空雲連吳岫闊山鎮楚關雄落日
高懸樹征帆飽障風南飛千里雁競渡急流中

登晴川閣

秋色來空際蒼茫萬里橫風痕山截樹霧氣水吞城峰入
青冥隱天搖白浪晴俯聽漁唱晚歸棹片帆輕

題仙棗亭

樹陰團袖冷雲影傷身齊境是仙人宅亭畱醉筆題雪飛
岷水活秋盡楚天低東去長江急衝風我獨西

陸次山集

詩

三

晚登黃鶴樓

煙樹蒼茫入杳冥振衣碧落摘明星楚湘南望吞雲夢蜀
水東分走洞庭月湧江聲孤影白天包秋色一痕青崔家
詩句欺人甚笑把乾坤寫性靈

月湖殘荷曲

九月風高秋露寒枯荷折水凋紅顏以色事人焉可恃側
身掩袂涕闌干青驄公子嬾年少人生豈能長美好花中
交頸雙鴛鴦一朝拆散不同老五更明月冷蓮房燕支顛
頰無容光昔日相思結不解獨宿遙夜霑羅裳秋雲夢度
一衾雨所思欲從遠且阻情長不割藕絲連愁濃甘嚼蓮

心苦捐棄淤泥誓不辭芳馨已歇將遺誰涉江奇服勸早
惜紅衣莫等秋風吹

伯牙琴臺

鳳吟絕響蘇門嘯宮商零落悲古調難得風塵覓伯牙賞
音况又鍾期少北流茫茫漢水深七絃柱促傷秋心知音
自有死生感高臺已足輕黃金江風吹徹一聲磬江水冷
冷隔浦應我抱瑤琴愁不彈秋山落葉樵夫聽

鸚鵡洲弔禰衡墓

胸懷一刺字滅迹九州偈仄何處適意氣凌人太不羈才
高稱作孔融客天生風骨傲成癖搥鼓漁陽性益劇阿瞞

陸次山集

詩

三

怒氣誰敢撓一擊已奪奸雄魄才人末路窮無歸徧急黃
祖安可依少年無識陷世網秋墳月黑魂歔歔江雲漠漠
煙霏霏荒邨野草細不肥古來藏智養以晦用世避世爭
先機洲邊水鳥自相逐江空不見鸚鵡飛

臨湘

暝色遠無際平林一抹紅水流雲影外天浴月波中問市
沽新酒收帆畏逆風萍蹤隨腳轉尺素寄征鴻

沔陽題酒樓壁

波光如鏡曉函開一棹蘆花自溯洄風送濕雲飛雨至犢
裝秋草渡江來功名太薄匡衡疏女妓還徵謝傅才流出

詩情滿湘水空江紅葉問誰嫌

巴陵吟

風聲走平野狂波響絕島黑夜會奇情夢逐巴陵道巴陵
江流深中有靈物老舒嘯激風雲聲裂楚山倒我將束縛
之忤物恐不好感此長太息霜氣滿襟抱

望洞庭湖

木落湖光晚風痕澹夕陰煙雲秋浩蕩天地影浮沈湘竹
千行淚君山萬里心笛聲涼似雨澤畔有龍吟

醉望君山快作長歌

仰天大笑天欲醺一鉅踏破千山雲我生有酒只自酌天

陸次山集

詩

十四

空何處尋湘君豪情直把楚江倒手提醞醪暢吾好各使
杯中物不空澆遍飲酒墳頭草塞雁已叫秋容老江山黯
澹悲文藻五嶽峰巒滿腹撐千秋人物一眉埽側身遙指
龍門小一聲長嘯巴陵道巴陵道上秋水渾浩然酒氣流
乾坤乞與美酒共生死沈江招得騷人魂君不見瀟湘蘭
菝不復畱江臯捐佩靈均愁昔日一點香心秋至今積恨
空林邱妄竊酒名亦自樂不如醉鄉聊封侯情天有缺酒
杯補天驚散落一天兩月魄死生不自主奇功大名何足
數金樽在手心顏開及時行樂真通才劉伶李白不見我
誰起白骨傾金壘浮生泡影實可哀一醉那辭千百杯仙

風多情吹我懷醉臉照水紅雲來洞庭秋色遠浮出青天
變作糟邱臺蒼梧樹衡陽峰霜花撲碎千芙蓉中現玉女
騎蒼龍十二螺髻綠雲濕九疑縹緲吾安從但覺滔滔長
江東迸流大海迴波雄橫巨酒氣飛綵虹欲吞不吞圓窟
空竟跨滄海上仙闕長劍高揭天心月

過借風臺

在嘉魚縣石頭關

古來名士自風流獨上高臺弔武侯借我一帆衝浪去明
朝還爾到荊州

劉郎浦曉發

先主納吳女處今屬石首縣

挂席曉發劉郎浦水光激射日吞吐霧氣遙連蜀棧雲木

陸次山集

詩

五

葉亂落楚天雨篷窗橫枕秋夢闌披襟半擁輕衾寒江流
風聲入欵乃山黛低抹眉未乾客行自得苦吟味一壺已
傾句成未合歡遙想漢將軍刀光滾雪團紅裙繡幃兵法
豔如火隆中抵訪諸葛君草莽崛起固特絕還憑婚姻分
三分自古節義輸佳人三峽陰風何堪聞悔殺窺吳永遺
恨蠟磯怒浪沈沈秋雲

吳蜀有隙孫夫人勸之不從摧哭沈江世傳先主崩似謬

沙市聞雁

客路鳴鴻雁驚起舟中睡夜半涼月哀征人動鄉思飛自
瀟湘來或有凌霄志青天作吟箋大澤快游戲尚似有鄉
愁折出迴文字字題落葉紅陣斷遠山翠衡陽望不見滴

碎數行泪兄弟今偕行極目關山異對影憐數奇愀然感
物類鄉書緘密密心與書俱寄願爾快南飛權作關山使
前途沙水闊忍寒不成寐兀坐望龍門月落空江寺

章華臺故址

蒼涼楚澤起餘哀覽古襟懷幾度開雨氣捲風穿岫去樹
聲渡水帶霜來地經屈宋難言賦詩贈雲山已費才日暝
湘江漁火上荒邨莎路指樓臺

江陵阻風作小詩排悶

小住扁舟事事宜水光山色媚幽姿畫圖渲染不能到檢
點煙雲半入詩

陸次山集

詩

六

水風如翦織波紋鳥跡畱沙衍說文怪道壓篷霜信重筆
花入夢欲凌雲

天有階梯石有根雄奇清秀不同論陋他馬夏偏安畫憤
授青山斧劈痕

羣山缺處補浮圖秋雪翻風點水麤撲面霜花飛不定一
杯劍氣讀孫吳

無情何必作神仙夢醒冰壺月滿天唱罷離鸞求鳳曲睡
餘猶抱洞簫眠

書聲不斷酒顏開好句多從枕上來識得江湖秋氣味一
宵鄉夢渡江回

泊荆南驛

秋色一船滿斜陽幾樹分炊煙低出浦野水遠生雲沙闊
澹天影風狂疎雁羣洞庭波浪寂鼓瑟待湘君

快晴觀日出

雲海鋪天水氣蒸楚山如馬渡江陵一帆衝破千層霧波
影齊迎旭日昇

夢陳穎

數月嗟死別一夢如生前怪問君已死君言未嘗然蠡城
報書至何爲驚吾眠把臂說浮生淚下如流泉消以一甌
酒逸氣噴雲煙關山苦道遠怎到湘江邊魂飛無定所故
陸次山集
詩
七
土何時旋願君振健翮飛作蓬壺仙或歸西湖濱秋露餐
白蓮

少壯不成名物化萎草莽悲哉顏子壽修文遽長往用世
抱瑾瑜經濟志已枉數奇遇必阨明珠遺象罔研心窮造
化才人多慙髀驚風鸞翩鍛仙籟鳳吟響三生未了緣何
時入塵網揆藻軼古今探論契欣賞默思未然事八荒起
奇想

夷陵感賦

水宿縱眸遠天空萬樹號江煙晴亦濕雲氣凍難高身謫
文章著囊傾翰墨豪無端生百感濁酒下離騷

東湖換川船上川

行舟風不泊直裂蜀江飛橈打浪齊起帆穿山四圍深巖
雲煉水斷岍石成磯履險如平地吟情似此稀

紅石灘

雪浪起空際灘流競欲東帆圓風力飽

蜀江之帆無骨受風則圓

舵急

水聲雄霜氣寒山紫谿陰雜樹紅迴環峰不盡世路曲方
通

黃陵廟

帝子忽然去邨謠沒字碑狂風響高樹細雨暗靈旗竹泪
三湘怨神絃九辨辭石琴靈欲走灘咽月明時

陸次山集

詩

支

空舩峽

島嶼團成陣凌空亂水紋灘聲山脚蝕船影浪頭分厓險
猿投石巖深虎宿雲晝眠渾不覺枕畔冷餘醺

新灘

灘有三以上爲險大水無灘水涸則甚蜀諺云有新無葉有葉無新蓋與葉灘相反也

莫嗟川路險借險好題詩水涸枯灘壯沙浮早島奇輕舟
援壁渡亂石傍坡危我作忘情客懸厓立少時

兵書峽

檢點兵書貯峽中武侯也算告成功天心已定三分鼎敢
信陰符挽化工

侈談兵法亦儒酸只當金書玉匱看未識出師多少淚灑

來絕壁石流丹

峽中石壁皆赤

香溪感明妃事畫昭君生入漢關圖題句於後

輕帆一葉入荆門細染丹青招豔魂漢代功臣多負德明妃何倖有荒邨

自是平蠻第一功敢羞女子竟和戎容顏不屑宮娃妬那悔黃金吝畫工

誰遣琵琶馬上彈椒房一席寵何難王嬙原是閨中淑枉作昭陽禍水看

玉面承恩有夢知春風暖度故宮遲紅顏甘爲思君老還是當年入畫時

陸次山集

詩

九

匈奴敢竊漢宮春麟閣圖形愧將臣長感君王垂淚別忍教豔質喪胡塵

玉關衰草冷寒煙莫使香魂哭杜鵑要贖文姬歸紫塞不留青塚至今傳

秭歸

峭壁疑無路盤旋鳥道通山人猿共處巖石鬼爭雄水惡澗流亂雲深樵逕窮數峰青欲滴誰訪細腰宮

三閭大夫故宅

在姊歸縣北百餘里

似聞騷客住歸州故宅猶荒楚盡頭夜雨芙蓉山鬼泣秋風蘭茝美人愁情當入骨生難贈事到傷心死未休淒絕

女嬃碣下水灘聲千古弔離憂

舟過屈原沱作七絕句投而弔之

哀豔吟情逐水流美人香草寫牢愁袖中萬點思君淚化
作瀟湘一段秋

乞得龍門帝子靈紉蘭欲贈惜芳馨江風吹斷紅心草空
抱秋雲過洞庭

蘭佩蓉裳絕世姿天生逸藻補風詩莫嫌苦戀宗邦好幾
見奇才用亂時

忠魂怒捲汨羅濤自捧香心駭浪淘無補生靈身合死揚
雄何苦反離騷

陸次山集

詩

子

目送湘江雨後雲色心怨語豔情文門生鄙狎蘭臺體抱
著遺篇愧見君

湘水投書落日斜千秋同調賈長沙怪他鵬鳥無因至痛
哭原來爲國家

招魂何處覓荒墳千古才名孰敢分絕俗如君應識我仙

風吹散一天雲

連日陰霧
到茫忽霽

葉灘

涸水平灘隱乘風渡客舟奇雲生絕壁小石捲洄流撓唱
山光動衫寒雨氣愁關河誇設險點筆莫空游

巴東縣

寇萊公會
爲巴東令

岷江水勢自西來縣令清風弔寇萊閒煞巴東山下地卻
無詞客問樓臺

一峰爭過一峰奇石角城高月上遲化境無窮纜入妙亂
山飛現木枯時

萬流驛驛爲楚蜀分界

朝發巴東縣暮宿萬流驛上水猛用纜下水不挂席灘流
盤渦旋急湍觀奇石水怒盡穿山峰高不見月天影盪波
心江聲漱石骨壁立萬仞危中通一線白橫坡凌空插路
險斷行迹幽谷虎豹愁冷風峽陰積夜深羣動息猿叫漏
峰隙巖空應聲圓雲動千嶂脈上有仙真棲煙巒環拱笏
陸次山集

三

詩祭瑤姬靈露華飲玉液出沒蛟龍宮煙霞染成癖簫聲
破空飛玉人望遙夕

巫山舟中望神女廟現封妙用真人

巫峽陰森鬼怪窺風雲妙用護靈旗神符授禹驅丁甲不
要功銘岫嶮碑

荒唐宋玉造虛聲夢囈洛詞太不情除卻一篇神女賦
君才調未聰明

征帆影裏望陽臺三峽江聲筆底來我亦風流誇絕代羞
將顛倒恣奇才

鬢雲釵雨杳仙蹤欲寄新詩路萬重細拂花牋端寫罷焚

香低拜美人峰

巫峽曉發

解纜衝朝冷橫江宵夢殘洞雲噴石亂巖日颯天寒山暗
時疑雨溪狂忽有灘吟詩防竊聽水底有龍蟠

跳石

水極險內
居人家

萬山虎騰踔一水龍起伏巫峽刁奇形跳石鎮其腹野人
住深岩肆志樂林谷負薪動盈肩鬚眉古可掬高山耕作
田冬水及時畜子孫日以肥未與世情逐浮雲過太空不
就簷下宿抱樸全天真那知寵與辱仇池在人境一枕飲

山淥

陸次山集

詩

三

峽中看山

嵌空鑿刻又兇頑奇絕巴東一路山王宰蜀人猶未是那
論董巨與荆關

瀑流千丈水風腥劈得雲根作畫屏一夜西陵溪雨急亂
峰飛過蜀江青

直似煙雲刁百端將身放在畫中看亂柴斧劈凌空變我
欲求真下筆難

袖中一石忽飛來着意臨摹意又猜不若精靈還造物免
教奇鬼哭聲哀

逆衝帆影浪花搖兩岫高峰插碧霄自許黃衫風韻絕萬

山窟裏獨吹簫

灩澦堆

江來羊膊嶺過峽緩其脈就下勢終迅天產灩澦石突兀
鎮江心掀騰迴水迫峽江東其流氣走使之逆鬼斧闢神
怪奇情怒奮發萬里鎖咽喉連山助鬱窳峭壁難攀援飛
騰苦無策每逢炎暑蒸征人斷行役深潭潛蛟饑鐵鎖測
無迹若使愚公移立見蜀水竭水竭民無命敢爲行旅惜
苟符鑄形勝未可人力易神禹洞水利疏鑿瘁梁益審勢
廓天宇不鏗此山澤我來涸水時清流尚激越天風送橈
唱一帆裂水白挽船望前程危峰吐半月回思砥柱功灘

陸次山集

詩

三

聲亂沙磧

瞿唐峽

探奇必險境漸溯逆流上已經瞿唐峽奔湍肆泱泱迤邐
巫山尾蜿蜒浪中蕩前山又忽起萬峰競雄長倒影層巒
搖風雲自摩盪崖巔哀猿啼谷口晴雲養野曠霧氣生江
飈振逸響風水動相遭扁舟恣獨往游心挾耿介坐臥快
奇賞石髓吸嶺雲萬翠何莽蒼中有餐霞客思借仙人杖
圖畫不能到過眼空結想深谿有茅屋邨醪樂擊壤逸情
素自弭麋鹿性同放我舟來大江游趣失林莽上水橈欲
退愈覺廣溪廣馨心狀奇情化境存俯仰

白帝城

山闢蜀王國江涸白帝城夔門設天險戰守皆當爭子陽
井底蛙器小志易盈躍馬飾邊幅一蹶功無成創業貴堅
忍恃險反易傾昭烈固雄主輔佐皆豪英霸成勢必王高
據見經營惜哉天意左魏逆吳負盟皇綱嘆幅裂墜景不
可撐殘瘡痛難起退歸屯奇兵君臣既時會遇合良非輕
所願洗兵甲力使天宇清纍囚誅鄧艾禮樂興孔明漢室
荷再造親見時承平豈知偏安局不使孫曹并業敗非戰
疎數盡誰力征回首一長嘯慘絕寒風聲城頭山月黑城
下江沙晴羣峰怒劍氣欲割覽古情我歌獨悵望弔漢涕

陸次山集

詩

五

泪橫

八陣磧

奇才因事見名士自不朽八陣定三分卓哉隆中叟祁山
已六出戰疲固宜守濟時懷孤忠術精亦何咎行軍雜奇
正列陣配奇偶智勇持以慎大局定隴畝用事不逆天淚
墮落星後成敗且莫論大名仰山斗道與伊呂爭才令管
樂走志大原非迂託孤已無負草廬如老死誰識身名壽
我湖魚復跡激湍怒奔瀏登城演兵機江空風雨吼險勢
鎮夔峽下視皆培塿斯人不可作臨風酌樽酒沙浮磧漸
平約畧辨左右據蜀統已繼吞吳恨何有江濤隱軍聲蛇

鳥變化久心兵練長城天高一峰陡

夔州

檣帆停滿水把酒暫開襟山住迴江勢城高覆樹陰鄉農
爭送袖關吏健分金我是閒游客人情尙繫心

雲陽

微雨雲陽路邨家隱樹深水聲分舵尾山影動杯心風急
漁燈閃天寒戍鼓沈客行愁歲暮詩罷一長吟

萬縣

暫離波浪便尋山山色迎人愛我閒穩看峰嵐談畫臺細
攪金粉笑荆關

陸次山集

詩

五

游山身似畫中行嶺峯磬頭馬足生回看羣峰低俯首一
痕日影埽新晴

暮投山市寄懷諸弟

古驛野雲停奇峰列畫屏料知征雁意啼破蜀天青
鑿石山爲屋圍邨土作城不須矜洗耳一枕熟溪聲
夜坐知更長曉行怯衣冷空山寂人聲月澹梅花影
簷風耳怕聽莎露衾重戀鄉夢入雲山欲尋尋不見

自發梁山途次雜詠二十首

直上天梯峻豪游態不羣山腰飛急雨馬首破層雲瀑勁
崖心裂潭清岫影分桓侯多戰蹟誰弔漢將軍

空谷時疑雨陰陰翠四圍萬峰扶日出一鳥避人飛壑暗
孤雲冷苔深老樹肥不知游興猛礎潤濕征衣
狹路霜威酷深林日影寒劈開天半景移向畫中看斷岫
岡橫插懸厓樹倒蟠奚囊收拾去奇氣湧毫端
山行無俗慮詩思入希夷枯木傍巖瘦積峰覩澗危雪飛
風捲影雲吐石生姿幽意流胸膈時防猿鳥知
出沒煙霞窟裝輕健跨鞍溪雲磨硯巖石逼衣寒險過
心偏怯山窮境又寬昔人游不到此景得來難

路曲谿陰黑沙流澗水黃樹聲催雨急山影過河長入寨
危驚馬看雲遠憶鄉遙聞邨釀熟呼取潤空腸

陸次山集

詩

五

接嶺連岡路雲中隱幾家橋當千澗落樓傍一峰斜怪樹
時呼鳥殘冬尚見花塵勞弊不得暫許癖煙霞

應接真無暇奇懷合此經移雲危石動飛瀑倒流腥霧壓
千林黑天籠萬岫青句成惜長嘯生恐走山靈

四顧寂人聲荒林怯夜行星疎峰缺漏天近望中平野火
知邨店山家斷戍更昔年狐鼠穴把酒自談兵

倉卒投山館稀逢人跡過穿窗雲影亂到枕澗聲多燈冷
花輕落茶冰筆屢呵深更猶覓句渾忘住巖阿

屋破藤穿榻門傾石砌垣松濤寒化雪月影暗封邨古墓
號奇鬼高峰嘯斷猿竹窗風獵獵野鶴冷聞言

萬籟一齊作空山聽有聲時平猶畏盜路僻各分營杯酒
宵寒退梅花驛夢清人生非槁木不諱動鄉情

客思逼宵短莎階響馬蹄寒鐘五更後殘月萬山西霜重
谿橋滑邨遙野樹低劉琨應起舞一路聽晨雞

斗覺乾坤闢空霄鬱綠煙洞寒龍抱雨崖陡馬朝天養水
山潭活棲神石壁穿鬼工真巧絕開鑿是何年

地僻居人少峰圍陣勢分山田冬畜水米碓澗春雲竹密
藏狸窟林深走鹿羣遙知泉石樂巴曲隔邨聞

偶渡深溪曲灘聲過耳遙樹傾支絕壁坡斷接平橋陰壑
雲時濕奔流石欲搖前山霜信重木葉脫蕭蕭

陸次山集

詩

三

俗儉邱平塚山雄鬼有祠鵲聲愁宿雨鴉影亂高枝望遠
情空寄探奇力不疲恐遺風土記驛信故遲遲

風霜矜鍊骨敲斷幾驢鞭怪石根穿屋荒城頂倚天霧橫
山忽斷煙重樹多連細寫征途景難禁衆口傳

袖筆看山熟加餐健遠遊坡高窺野榻峰缺補僧樓望驛
驢奔食衝溪鳴逆流邨農呼姓氏知近古巴州

行役歲云暮崎嶇感遠征鞭絲雲有影山路日無晴酒熱
時添興詩真默記程閒情題不盡付與杜鵑聲

過蟠龍山

振衣上絕頂俯聽寒風生諸峰如羣兒馬頭爭相迎盤屈

登山椒雲深忘午晴刺肩毒嵐氣傾耳森谿聲攀藤一回
首翻覺前途平置身已層巔白雲扶我行嗟此狀貌奇竟
得蟠龍名泉石巨蜿蜒高臥天半橫細步尚顛蹶犄角矜
崢嶸安得參龍者鞭爾歸滄溟吐氣化雲煙九州雨甘霖

劍閣

兩崖峭立衆峰環閣勢衝霄不可攀風捲棧雲凌日色石
橫霜氣逼天關碑陰蘚綠誰銘字驢背衣紅獨看山太息
劍門千古險縋深懸寇凱歌還

姜伯約祠

亦有孔明志其如漢祚移空思恢帝業失計抗邊師膽大

陸次山集

詩

美

心難死忠孤戰不疲陰平來鄧艾猶可起瘡痍

馬嵬雜詠

蛾眉誰救亂軍中倉卒兵威逼六宮生怕君王能殉國甘
拚一死挽唐宗

玉環弱質怎傾城還是三郎授惡名征北兵亡卅六萬誰
教外戚殺蒼生

姊妹爭憐鬪尹邢宮魚不貫老娉婷梅花香冷樓東賦淒
似秋燈夜雨鈴

色藝生成怕寵姿風流天子倖同時似聞梨樹花殘後還
報邊臣進荔枝

鵲血啼雲闕道斜
秦陵野草自開花
離魂慘絕鴛鴦塚
七夕香盟悔已差

鸚鵡猶爲帝使哀
相非姚宋嘆凡才
願畱墮馬鞭公主好
與將軍爭道來

牡丹花底豔宮粧
妃子何心嫁壽王
走馬驪山君自悔
敢將小序罪霓裳

恢復全憑郭令賢
位傳靈武再朝天
深宮打子秋風急
西內何人聽杜鵑

房次律墓

倉卒戎行敵莫支
義軍四萬一無遺
荒邱石壓英雄骨
故

陸次山集

詩

无

壘雲飛將士旗
邢使促將臨陣敗
杜陵先有別墳詩
豔談恢復諸公在
誰弔陳濤死戰時

雪意

暗催春色不嫌遲
香到梅花夢已知
悟得世間多少事
風情最好欲來時

冬至前二日抵巴州署

冬至陽回宇水濱
衙齋幾忘客中身
歲催爆竹千家喜
香動梅魂一脈春
滿座言歡惟勸酒
深宵聚話只思親
菊觀偷說遐齡叟
未見含飴弱冠人

鏡聽曲

冷香撲雪梅花瘦忍寒障面粉捎袖今宵歲盡望夫君繡
衾抱暖空牀雲紅衫起掩淚如雨菱花久對促情緒金蓮
緩歎下羅幃側身低眉默無語纖手背整綠鬢鬆偷攜一
朶金芙蓉燈前巧掩暗中卜皎如明月入妾胸胸前自顧
獨憐影柳腰回盼秋波冷兆得佳音卽早歸倚枕欲化鴛
鴦飛

人日出游

本是天涯不繫身沿街策馬動香塵幾絲綠柳知鄉信一
樹紅梅憶酒人詩寄草堂鄰近卜曲喧巴里耳麤新莫嫌
客邸無花賞放著胸襟物盡春

陸次山集

詩

三

嚴顏墓

漢獻旣廢劉璋死社稷無人誰與理手扶赤帝賴宗盟出
身報漢求一是纍纍古塚橫道旁英魂化劍騰精銳慨想
降心事先主不能滅賊空悲涼血戰巴河兵死守邊疆寄
託本無負桓侯怒氣太凌人抗心一折風雷走建策不必
成奇功臨難不屈眞英雄此志已足懸日月赤手欲挽銀
濤東惠陵春草山雨綠偏安事業久寂寞孔明兵意未敢
知灑淚還尋古碑讀誰把椒漿奠墓門功名節義徒紛紛
當日斷頭自有志那得藉口降將軍

薛濤酒

松花巧製名姬箋綵毫親鬪芙蓉筵鬢雲影散簪花手錦
江豔說薛濤酒浣花溪暖情波春春色滌天酣詩人狂來
吸盡杯中月幽魂微笑來相親君不見青山猶抱吟詩屋
泉香微釀梅花綠提壺醉倒小桃墳枇杷門外邨醪熟

題謝自然小像

鵝谿絹印玉奴眞寒女風懷一袖春羨殺神仙好顏色有
情長作少年人

貪看梅花日倚樓情仙不死總風流尋春豔絕南充勝
否山陰道上遊

詠古六首

陸次山集

詩

三

松臥南陽龍化鱗祠堂栢占四時春馳驅許國眞名士謹
慎行軍古將臣百戰未酬恢漢志偏安獨任託孤身一編
青史從頭數丞相登楹少替人

名臣從祀兩
廡自孔明始

半世窮愁誤拾遺眼前廣廈杳難期天生詩筆畱風雅胸
抱忠言走亂離契稷許身空有願英雄墮淚亦何辭一燈
配祀吾家事水浣梅花香滿祠

浣花草堂
放翁配祀

天縱雄姿筆有鋒長公生氣健猶龍詩人忠孝翻遭忌宰
相文章竟莫容淚感深宮開法網才收大海入心胸那堪
風雨聯牀夜盼斷睂山萬里峰

匡山老臥讀書臺千古奇狂託酒杯姓氏敢居工部上夜

郎惜爲永王來詩逢賀監名方定士相汾陽眼獨開拜倒
青蓮一枝筆現身自是謫仙才

墨池荒廢水污塵惆悵當年投閣身不黨董賢懷實學竟
容王莽痛斯人經生著作名千古賦手才華樣一新空憶
問奇攜酒至襲香花覆滿庭春

妖氛忽現美人虹想像淫威亂後宮敢向唐宗逃殺戮只
宜秦帝匹英雄

余曾作鴛鴦牒以則天配始皇

龍焚雲雨雌朝黑獅吼冠

裳野寺紅

則天生於利州遺像在皇澤寺

女主斬新修史筆鍊形未墜劫

灰空

遊西龕

陸次山集

詩

三

破曉跨驢行青山對面迎深巖雲釀雨密樹日忘晴鳥亂
驚花散泉飛抱石鳴隔溪聞社鼓黃犢勸春耕

登王望山

漸上高岡頂穿林翠濕衣日光浮水出雲氣挾山飛宿雨
樹頭重春陰花影肥放歌懷隱士泉悟濁時非

春興

紅到枝頭樹色新奇懷難贈寄良辰一樓詩思催宵雨滿
眼風光是早春看劍每傾花下酒愛山自號畫中人難忘
尚有煙波夢放櫂湘湖話采蘋

濕霧連朝暗碧紗一層春色半簾遮牀頭撥襲遲聽雨水

面支棚穩架花飛絮風狂隨地捲游絲力弱曳枝斜驢鞭
一躍看山去只有孤吟苔歲華

二分新綠上紅梅掃葉攤書坐石苔樹暗雙鳩呼雨至花
香一蝶過牆來無多春事忙中惜恰好情懷醉後開翦燭
黃昏茶話久杭州閒殺舊樓臺

遠山新沐澹含情春思撩人也漸平燕子來巢知社日杜
鵑啼雨近清明野桃枝軟紅翻水蘂草名多綠上城催得
曉寒風又緊撲簾香雪落花聲

巖阿借得一枝巢坐臥書叢不暫拋破壁藤斜穿樹腹爭
窠鳥戲落花梢楊雄宅古思攜酒杜老堂成待補茅隨宦

陸次山集

詩

三

深山聊養拙誰知筮料是懸匏

金縷歌餘倒玉樽小齋日暖晝昏昏春心多渴蜂窺硯物
性無殘鳥進門滿路撞花將結子數叢慈竹自成邨閒來
散步桑陰下慣看田家醉瓦盆

風和每喜眺邨莊茅屋煙青煮酒香溪水有情遲客聽春
山不語笑人忙夢醒夜雨生池草詩動新愁入海棠葛瓊
空歌王勃賦滿身雲水立蒼茫

紅箋遙寄乍填詞淪茗焚香靜改詩鵲踏低枝花影重魚
吹細沫水渦遲恰如東閣懷鄉日怕憶西湖話別期那得
神仙丹藥巧人生長似豔春時

侍婢索詩戲書扇

簾捲花陰一榻寒
書幃小婢日憑欄
敲詩雨夜烹新茗
現作盧仝赤腳看

感春詞

書牀供養只煙霞
未到清明便憶家
春茗乍香邨酒熟
故山拋卻好梅花

夢魂一夜到錢唐
戲脫春衫付酒娘
莫笑當壚時醉臥
此生總爲看花忙

已見東風上柳枝
巴江水綠悵歸期
桃花土步春泥筍
卻話湘湖二月時

陸次山集

詩

五

春燈冷雨獨銜杯
香散窗前一樹梅
記得去年花下事
乞詩先遞笑聲來

驢鞍側帽酒初酣
紅杏花開正浴蠶
折得一枝誰可贈
半簾春雨話江南

金鈎草長夢痕餘
池水翻紅暖戲魚
雨後海棠春睡足
養花天氣小晴初

鄉居西近芻蘿邨
嘯傲時穿竹石根
花裏人聲簾外影
管他春去不開門

漫天柳絮滾東風
倚暖闌干數落紅
識破從來花信息
春歸多在雨聲中

題蜀山萬翠圖

三絕曾傳顧愷之惜遺西蜀畫新詩猿聲嘯雨巴船陡鳥
道盤雲棧馬遲腹有煙霞思不俗心搜造化筆爭奇遊蹤
未到峩嶠頂令我神追踏雪時

勒南龕石壁

壯遊萬里話長征載酒探奇到此行醉臥落花雲可掬幽
尋芳草雨初晴每邀野老談風土久愛名山契性情過客
欲知誰氏子忠州先著舊家聲

題卓文君抱琴圖

抱得春心一點癡清才溷跡富家兒翻憐不嫁郎官隊抹

陸次山集

詩

三

殺佳人絕代姿

丰情放誕態溫柔鏡影重圓感白頭憶否離鸞心事苦故
衫冷倚舊琴樓

時有女子化爲丈夫者書此解嘲

石榴裙底伏英雄變到喬粧相已窮漫說木蘭如兔狡人
間難測是陰風

行來雲雨太荒唐蝴蝶雌雄夢一牀天縱形骸能變化麻
姑何苦閱滄桑

不是邨謠誤十姨刁將巾幗現鬚眉武擔好補成都志人

比山精更出奇

山精以丈夫化爲女子蜀王納爲妃死遣
五丁葬於武都今成都北角武擔是也見

南龕古松

鐵柱已化寶劍飛神物積久生靈機
滿身鱗甲風雨集千霄氣勢誰能
轍奇才自有用世感刀斧欲加畏
不敢鸞鳳有情爭相棲虬蟬無力
那能撼拔地高枝誰實栽空中野
鶴忽飛來深山冰雪摧殘久好闢
孤根拔此材

夏日訪雲栖庵繞過聖水洞將至遇雨少焉雨歇遂
由西龕至南龕見題詩處山削其西壁寺僧云是
風雨所摧驢背上得詩五首

巴州四龕勝尤數西與南幽境次第入先訪雲栖庵稻花
陸次山集

詩

美

一路香田水拖青藍童子滿邨大綠蔭垂沙潭山色迎人
來空翠浮煙嵐

茅庵臥白雲一逕入林麓引泉小成池鑿巖深作屋溪水
澹人心山花豔游目停驂憩午陰徘徊撫古木披雲坐苔
石山影一襟綠待訪安期生韜精栖巖谷

黑雲動詩興頃刻千重生一雨洗山翠千巖喧水聲飛風
過急點笠重兩耳鳴靈龕舉頭近谿午鐘聲清

深林黯殘雨新霽遠岫沈雲飛萬峰活天暈半日陰野性
颯然舉尋山不辭深古藤壓逕黑但聞呼晴禽風定細籟
發急澗流清音

潦曲環溪行一鞭走磴道山靈每夜哭詩壁不敢倒鑿佛
穿雲屏陋迹惡難埽久爲靈巖恥鏟卻惜不早精光騰山
阿詩真氣能寶會當白雲護石頂茁瑤草

大醉賞荷有懷西湖

仙姿不肯埋泥塗藕花出水潔可娛主人停杯忽不飲欲
御尻輪游西湖憶自湖心宿雨霽新漲浮綠搖輕艫雕盤
綺食快人意紅曇越釀擔奚奴屏風圍肉擁花飲一賭便
傾三百壺花醉欲眠我能護我醉不用花相扶碧筒杯滿
香沁舌奪杯大笑噴綠珠勸客細斟且泥飲慎勿翻酒狂
嘯呼纖纖素手揮羽扇低喚小字迴歌姝琵琶側抱姿轉

陸次山集

詩

七

媚輕衫微汗玉印膚戲填新詞倚鐵笛清聲引破櫻唇朱
幾被道旁欲看殺西子卻少金錢輸夕陽斜墮暝煙合城
門欲關啼暮鳥晝飲不足更夜飲試問客子還能無東方
月輪已捧出大開笑口澆醒酬輕披素紵近紅粉俗子惜
費何其愚更深添饌美且腴雉尾細尊銀絲鱸中流放棹
自容與紅牙輕拍歌吳飲當頭明月似相識隨身花影時
親吾湖風吹衣冷然快輕颺颯颯流菰蒲置身化境不知
處波面一色清輝鋪謫仙已逝玉局死采石欲爛赤壁蕪
七百年來無此樂畫師添得游湖圖填胸壘塊頓時釋酒
闌更促舟子沽寶劍躍水無湛虛座少七尺紅珊瑚勝人

只有賞花福不顧俗眼遭挪揄天公惜我酒錢少榆筭十
萬飛青蚨虞翻知己向誰是龍泉在腰摩以須長安走馬
讓餘子阮藉聊臥少婦壚古來盛名每坎壈得花不飲胡
爲乎諸公聽我歌一曲更盡且復畱須臾綠章飛速通帝
座削平世界無窮途洗盞更酌互相勸梨花沁透吟腸枯
君看豔色不足恃秋涼已到前溪蘆櫓聲搖入淺灘去蓼
花碎撲菱蓬麤人生物化似朝露爲樂何苦形骸拘遙天
忽曙客散去詩債欲逃如追逋一年好事空模糊覓句心
追更手摹深山養花苦益益抱甕局促羞轅駒湖山臥想
故鄉樂風景過眼神與俱出沒花叢狎煙水此身合作波

陸次山集

詩

庚

中鳧牀頭有金且豪舉得暇縱覓高陽徒蓮花轉眼倏落
盡秋風殘月啼鷓鴣

題沈石田桐陰避暑圖

幽人結廬遠塵市清夢睡醒蓬壺裏身與煙雲入畫圖空
中詩境澹如水小婢敲火烹新茶短僮持帚掃落花積陰
欲雨地浮綠壓檐涼影分鄰家開門無人白日靜石苔深
沒屐齒印清風一枕傲羲皇滿身碎落谿雲冷深山養壽
樂且娛詩名畫掩原非諛余嘗評白石翁詩與畫敵惜不甚傳平生趨熱旣
不慣託興自寫避暑圖花木得閒卽是主世界銷盡炎蒸
苦我亦能邀畫裏人多種梧桐聽疎雨

新種紅蘭一盆秋箭滿苗詩以志喜

視向春風發滿枝好和紅豆寄相思同心欲結湘娥佩醉
擁名花讀楚詞

身居空谷不嫌寒香濕秋心露未乾別有閒情誇畫鑿朋

脂買得寫紅蘭

從來畫家未有寫紅蘭者可補畫譜之缺

遠近多以節女事畧求傳乃作一詩

妾身相許已分明修到梅花骨自清要爲死生存大義休
言兒女亦人情秋墳合葬延陵劍夜月空啼杞婦城怪得
近來詩格瘦冰霜小傳草深更

陸次山集

詩

堯

通 1251
~~1263~~

1799



書名	魏次山集		
版別	冊數	2	紙
議價	300	議價章	58年
			1月5日
編號	前	字第	1573. 号

北京市圖書業同業公會印制

